

漢

魏

遺

書

鈔

序錄

隋志馬融尚書注十一卷

漢書儒林傳曰扶風杜林傳古文尚書林同郡賈  
逵爲之作訓馬融作傳鄭玄注解由是古文尚書  
遂顯於世

經典敘錄曰漢宣帝本始中河內女子得泰誓一  
篇獻之與伏生所誦合三十篇漢世行之然泰誓  
年月不與序相應又不與左傳國語孟子衆書所  
引泰誓同馬鄭王肅諸儒皆疑之案今馬鄭所注

並伏生所誦非古文也孔氏之本絕至晉永嘉喪亂衆家之書並滅亡而古文孔傳始興近唯崇古文馬鄭王注遂廢

謨案古文尚書傳注興廢大略具見經典敘錄近西莊王氏專攻孔傳別采馬鄭王三家注爲尚書後案而獨以僞秦誓廁其間亦見其惑也惟以正義引馬融書序於秦誓論難獨有見解故專輯馬注鄭王二家姑置不錄凡共鈔出釋文二百九條正義十四條史記集解一百十條

尚書注

漢 扶風馬

融撰

監利李懋華校

堯

曰若稽古帝堯

堯諡也翼善傳聖曰堯

放勳欽明文思

放勳堯名威儀表備謂之欽照臨

四方謂之明經緯天地謂之文道德純備謂之思

以親九族

上自高祖下至玄孫凡九族

乃命羲和

羲氏掌天官和氏掌地官四子掌四時

宅嵎夷曰暘谷

嵎海嵎也夷萊夷也暘谷海嵎夷

之地名

寅賓出日 賓從也

平秩東作

平馬作平 普庚反

華使也

並釋文

日中星鳥

星鳥星火謂正在南方春分之昏七星

中仲夏之昏心星中秋分之昏虛星中冬至之分

昴星中皆舉正中之星不為一方盡見

正義

以殷仲春

殷中也

釋文

古制刻漏晝夜百刻晝長六

十刻夜短四十刻晝短四十刻夜長六十刻晝中

五十刻夜亦五十刻

正義○按此二條正義蓋總釋春夏秋冬四仲文以仲春

在前故

錄于此

寅餞納曰 餞滅也滅猶沒也

厥民隩鳥獸氄毛 隩煖也氄温柔貌 並釋文

胤子朱啓明 胤嗣也 釋文謂帝之胤子曰朱也 正義

器訟可乎 訟馬本作庸

疇咨若予采 采官也

其工方鳩倂功 倂具也 並釋文

僉曰於鯀哉 鯀臣名禹父 史記集解

方命圮族 方放也 釋文

兵曰异哉試可乃已帝曰往欽哉九載績用弗成

堯以大聖知時運當然人力所不能治下民其咨

亦當憂勞屈己之是從人之非遂用於鯀

正義

汝能庸命異朕位 朕我也異讓也

有鰥在下曰虞舜 舜謚也舜死後賢臣錄之臣子

為諱故變名言諡

慎徽五典 徽善也

並釋文

賓於四門四門穆穆 四門諸侯羣臣朝者舜賓迎

之皆有美德也

史記集解

納于大麓 麓山足也

乃言底可績 底定也 並釋文

正月上日 上日期日也 史記集解

受終于文祖 文祖天也天為文萬物之祖故曰文

祖 釋文

在璿璣玉衡以齊七政 璿美玉也璣渾天儀可轉

旋故曰璣衡其中橫筭以璿為璣以玉為衡蓋貴

天象也七政者北斗七星各有所主第一曰主日

法天第二曰主月法地第三曰命火謂熒惑也第

四曰煞火謂填星也第五曰伐水謂辰星也第六



曰危木謂歲星也第七曰罰金謂太白也日月五

星各異故名曰七政也

史記集解

肆類于上帝禋于六宗 上帝太一神在紫微宮天

之最尊者禋精意以享也

釋文

萬物非天不覆非地

不載非春不生非夏不長非秋不收非冬不藏此

所謂六也

正義

輯五瑞既月乃日覲四岳羣牧班瑞于羣后 輯歛

也五瑞公侯伯子男所執以為瑞信也堯將禪舜

使羣牧歛之使舜親往班之

金作贖刑 意善功惡使出金贖罪坐不戒慎者

流共工于幽州 幽州北裔也

放驩兜于崇山 崇山南裔也

竄三苗于三危 三苗國名三危西裔也

殛鯀于羽山 殛誅也羽山東裔也

有能奮庸熙帝之載 奮明庸功也 並史記集解

惟時懋哉 懋美也 釋文

敬敷五教在寬 五教五品之教

汝作士 士獄官之長

五服三就 五刑墨劓剕宮大辟三就謂大罪陳諸  
原野次罪於市朝同族適甸師氏既服五刑當就  
三處

惟明克允 謂在入議君不忍刑宥之以遠五等之  
差亦有三等之居大罪投四裔次九州之外次中  
國之外當明其罪能使信服之

疇若予工 謂主百工之官也

汝共工 共工爲司空共理百工之事

疇若予上下草木鳥獸 上謂原下謂隰

歲二月東巡狩 舜受終後五年之二月

並史記集解

至于岱宗柴 祭時積柴加牲其上而燔之

同律度量衡 律法也

修五禮五玉三帛二生一死贄如五器卒乃復 五

禮吉凶軍賓嘉也三帛三孤所執也二生羔鴈卿

大夫所執一死雉士所執也五器上五玉五玉禮

終則還之三帛已下不還也

至于北岳如西禮

馬本作如初

格于藝祖用特

藝禰也

羣后四朝 四朝四面朝於方岳之下

並釋文

肇十有二州 禹平水土置九州舜以冀州之北廣

大分置并州燕齊遼遠分燕置幽州分齊爲營州

於是爲十二州也

象以典刑 言咎繇制五常之刑無犯之者但有其象無其入也

流宥五刑 流放宥寬也一曰幼少二曰老耄三曰

蠢愚五刑墨劓剕宮大辟

鞭作官刑 爲辨治官事者爲刑

汝作朕虞 虞掌山澤之官名

有能典朕三禮 三禮天神地祇人鬼

並史記集

解

命汝典樂教胄子 胄長也教長天下之子弟

釋文

直而溫寬而栗 正直而色溫和寬大而謹敬戰栗

也

詩言志歌永言 歌所以長言詩之意也

帝曰咨汝二十有二人 稷契臯陶皆居官久有成

功但述而美之無所復敕禹及垂已下皆初命凡

六人與上十二牧四嶽凡二十二人

書序帝釐下土作九共九篇 釐賜也理也共洪也文釋

何憂乎驩兜何遷乎有苗何畏乎巧言令色孔子

四凶惟言三者禹為父隱故不言鯀也正義

夙夜浚明有家 浚大也文釋

亮采有邦 亮信采事也史記集解

俊乂在官 千人曰俊百人曰乂

庶績其凝 凝定也並釋文

一日二日萬幾 一日二日猶日日也正義

天敘有典

馬本作五典

自我五禮有庸哉

馬本作五庸

天明畏

畏馬本作威

思日贊贊襄哉

襄因也

暨益奏庶鮮食

鮮生也

暨稷播奏庶艱食鮮食

艱馬本作根

根生之食謂百穀

並釋文

予欲左右有民汝翼

謂我欲左右助民汝當翼成

我也

史記集解



作會

馬作繪

宗彝

馬音夷。並釋文。

藻火粉米

士服藻火大夫加以粉米并藻火為四

章

正義

弼成五服至于五千

面五千里為方萬里

夏擊鳴球

夏櫟也

鳥獸跄跄

鳥獸荀蒞也

元首叢脞哉

叢總也脞小也

並釋文

禹敷土

敷分也

奠高山大川

定其差秩祀禮所視也

並史記集解

冀州既載

載載於書也

至于衡漳

衡水名

厥土惟白壤

壤天性和美也

厥賦惟上上錯

地有上下相錯通率第一

厥田惟中中

土地有高下

並釋文

九河既道

九河名徒駭太史馬頰覆釜胡蘇簡潔

鉤盤商津

史記集解

厥土黑墳

墳有膏肥也

厥草惟繇繇抽也  
並釋文

作十有三載乃同釋文載馬  
本作年 繇既九年又加禹三

年為十二年惟兗州未得盡平至明年乃畢正義

嶠夷既畧 嶠夷地名用功少曰畧史記集解

大野既豬 豬水所停止深者

草木漸包 相包裹也

淮夷蠙珠暨魚 淮夷二水名

厥草惟夭 夭長也並釋文

厥土惟塗泥 塗泥漸洳也史記集解

瑤琨篠簜

琨馬本  
作璜

沿于江海

沿馬本  
作均

均平也

沱潛旣道

沱湖也其中泉出而不流者謂之潛

杗榦栝柏

栝白栝也

惟箇籛楛

楛木名可以爲箭並釋文

三邦底貢厥名

言箇籛楛三國所致貢其名善也

史記  
集解

厥篚玄纁璣組

組文也

九江納錫大龜

納入也

榮波既豬

波馬本作猪

榮播澤名

並釋文

下土墳墟

豫州地有三等下者墳墟也

和夷底績

和夷地名也

並史記集解

厥土青黎

黎小疏也

釋文

西傾因桓是來

治西傾山因桓水是來言無餘道

也

史記集解

涇屬渭汭

汭入也

崑崙析支渠搜

崑崙在臨羌西析支在河關西

並釋文

文

導岍及岐

釋文所馬  
本作開

導山分三條岍為北條西傾

為中條嶓冢為南條

史記  
索隱

至于合黎

合黎地名

釋文

又東為滄浪之水

滄浪夏水

史記  
索隱

又東至于澧

澧水名

史記  
集解

東迤北會于匯

匯靡也

釋文

五百里甸服

甸服之外百里至五百里米特有此

數去王城千里其侯綏要荒服各五百里是面三

千里相距為方六千里

正義

三百里納秸服

秸去其穎也

釋文

百里采

采事也各受王事者

史記集解

三百里夷

夷易也

釋文

二百里蔡

蔡法也受王者刑法而已

五百里荒服

政教荒忽因其故俗而治之

三百里蠻

蠻慢也禮簡怠慢來不距去不禁

二百里流

流行無城郭常居

並史記集解

甘誓

南郊地也甘水名軍旅曰誓會同曰誥

有扈氏

姒姓之國為無道者

忘棄三正一建子建丑建寅三正也

天用勦絕其命勦馬本作巢

五子昆弟五人須于洛汭須止也

書帝告鰲沃湯征汝鳩汝方此五亡篇舊解是夏書馬鄭之徒以為商書

湯誓 俗儒以湯為諡或為號號者似非其意言諡

近之然不在諡法故無聞焉及禹俗儒以為名帝

系禹名文命王侯世本湯名天乙推此言之禹豈

復非諡乎亦不在諡法故疑焉並釋文

非台小子敢行稱亂 台我也史記集解



夏王率遏眾力

遏止也

釋文

有眾率怠弗協

眾民相率怠墮不和同

史記集解

書序

湯既勝夏欲遷其社不可作夏社疑至臣扈

疑

至臣扈二臣名聖人不可自專復用二臣自明也

正義

書序

咎單作明居 咎單湯司空也明居民之法也

史記

集解

書序

伊陟相太戊亳有祥桑穀共生于朝伊陟贊于巫

咸作咸又四篇

太戊太甲子巫男巫也名咸

釋文

書序 太戊贊于伊陟作伊陟原本 原臣名也命原以

禹湯之道我所修也

史記集解

書序 祖乙圮于耿作祖乙 圮毀也

上盤庚 盤庚 祖乙曾孫祖丁之子不言盤庚誥何非

但錄其誥也取其徙而立功故以盤庚名篇

于今五邦 五邦謂商正亳囂相耿也

若顛木之有由蘖

蘖馬本作枿

顛木而肄生曰枿

無或敢伏小人之攸箴 箴諷也

今汝聒聒 聒聒拒善自用之意

相時儉民 相視也儉民儉利小小見事之人也

自作弗靖 靖安也

遲任有言曰 遲任古老成人

盤庚乃話民之弗率 話告也言也

誕告用竄其有眾 竄馬本作單 單誠也

咸造 造在早反為也

爾忱不屬 屬獨也

高宗祀無豐于昵 昵考也謂禰廟也

西伯殷始咎周 咎周者為周所咎

戴黎

奔告于受 受讀曰紂或曰受婦人之言改號曰受

也 並釋文

格人元龜 元龜大龜也長尺二寸

史記集解

乃罪多參在上 參字累在上

子殷既錯天命 錯廢也 並釋文

我祖底遂陳于上 我祖湯也

用亂販厥德于下 下下世也

卿士師師非度 非但小人學為姦宄卿士已下轉

相師效為非法度

殷遂喪越至于今 越於也於是至矣於今到矣

曰父師少師 重呼告之

吾家耄遜于荒 卿大夫稱家

告予顛隳若之何其 隳猶墜也恐顛墜於非義當

如之何也 並史記集解

今殷民乃攘竊神祇之犧牲用 往盜曰竊天曰

神地曰祇

用又讐歛 讐馬本作稠 歛力豔反 稠數也歛謂賦歛也

我舊云刻子 云言也刻侵刻也

自靖

靖馬本  
作清

一清謂絜也

並釋  
文

泰誓

泰誓後得案其文似若淺露又云八百諸侯

不召自來不期同時不謀同辭及火復於上至於  
王屋流爲鵬至五以穀俱來舉火神怪得無在子  
所不語中乎又春秋引泰誓曰民之所欲天必從  
之國語引泰誓曰朕夢協朕卜襲于休祥戎商必  
克孟子引泰誓曰我武惟揚侵于之疆取彼凶殘  
我伐用張于湯有光孫卿引泰誓曰獨夫受禮記  
引泰誓曰予克受非予武惟朕文考無罪受克予

非朕文考有罪惟予小子無良今文泰誓皆無此

語吾見書傳多矣所引泰誓而不在泰誓者甚多

弗復悉記畧舉五事以明之亦可知矣

案此係正義引馬融

書序專說泰誓篇事據言後得其文淺露又以爲神怪則已疑其非真泰誓矣而又自爲之注史記

集解因而錄之則今此鈔輯馬注固不得而遺也

乃告司馬司徒司空諸節 諸受符節有也

史記集解

蒼兕蒼兕 蒼兕主舟楫官名

史記索隱

白魚躍入王舟中 魚者介鱗之物兵象也白者殷

家之正色言殷之兵衆與周之象也

有火自上復于下至于王屋流爲鳥其色赤其聲魄

云 王屋王所居屋流行也魄魄然安定意也索隱

曰案今文泰誓流爲鷦鷯鳥也馬融云明武王能伐紂

毀壞其三正 動逆天地人也並史記集解

牧誓時甲子昧爽 昧未旦也

右秉白旄以麾 白旄旄牛尾並釋文

嗟我友邦冢君 冢大也

及庸蜀羌髳微盧彭濮人 武王所率將來伐紂也

並史記集解



弗迂克奔

迂馬本作禦

禦禁也

以役西土

役為也

並釋文

洪範

王訪于箕子

箕國名也子爵也

史記集解○索隱曰馬融王肅

以箕子為紂之諸父

惟天陰騭下民

陰覆也騭升也升猶舉也舉猶生也

也

農用八政

食為八政之首故以農名之

並釋文

威用六極

言天所以畏懼人用六極

史記集解從五行

已下至六極洛書文也

釋文

金曰從革 金之性從人而更可銷鑠

言曰從 發言當使可從

思曰睿 睿通也

從作乂 出令而從所以爲治也

聰作謀 上聰則下進其謀

四曰司空 司空掌營城郭主空土以居民

六曰司寇 主誅寇害

四曰星辰 星二十八宿辰日月之所會也

歛時五福用敷錫厥庶民 當歛是五福之道用布

與眾民

惟時厥庶民于汝極 以其能歛是五福故眾民于

汝取中正以歸心也

凡厥庶民有猷有為有守汝則念之 凡其眾民有

謀有為有所執守當思念其行有所趣舍也

並史記集

解

不罹于咎

釋文罹馬力馳反

無虐笑獨而畏高明

釋文無虐馬本作亡侮

高明顯寵者不

枉法畏之

無有作好 好私好也

無反無側 反反道也側傾側也

皇極之敷言 王者當盡極行之使臣下布陳其言

是彝是訓于帝其訓 是大中而常行之用是教訓

天下於天為順也

凡厥庶民極之敷言 亦盡極敷陳其言於上也 並史

記集

解

二曰剛克 克勝也 釋文

沈潛剛克 沈陰也潛伏也陰伏之謀謂賊臣亂子

非一朝一夕之漸君親無將將而誅

高明柔克 高明君子亦以德懷也

惟辟作福惟辟作威惟辟王食 辟君也王食美食

不言王者關諸侯也

並史記集解

民用僭忒 忒惡也

占用二 占筮也

衍忒 衍大也

並釋文

王省惟歲 言王者所省職如歲兼四時也

星有好風星有好雨 箕星好風畢星好雨

並史記集解

一曰凶短折 凶終也

旅 大保作旅 葵 葵馬本

豪會豪也

金 武王有疾 馬本作有 疾不豫

為三壇 壇土堂 並釋

乃命于帝庭敷佑四方 武王受命于天帝之庭布

其道以佑助四方

今我即命于元龜 元龜大龜也

歸俟爾命 待汝命武王當愈我當死也 並史記集解

啓籥見書 籥藏卜兆書管 釋文

能念予一人

一人天子稱

史記集解

我之弗辟

辟馬鄭音避

謂避居東都

對曰信噫

噫馬本作懿

懿猶億也

惟朕小子其新逆

新逆馬本作親逆○並釋文

反風 風還反也

史記集解

凡大木所偃盡起而築之

築拾也

釋文

禾為木所偃

者起其木拾其卜禾乃無所失亡也

史記集解

大猷大誥爾多邦

馬本作大誥爾多邦

天降割于我家不少

割馬本作害不少馬讀弗少廷為句

殷小腆 腆至也

知我國有疵 疵瑕也

予造天役 造遺也 並釋文

康以殷餘民封康叔 康國名在圻內 正義

惟三月哉生魄 魄朏也謂月三日始生兆朏名曰

魄

今民將在祗適乃文考 適述也

酒王若曰 馬本作成 言成王者未聞也俗儒以為

成王骨節始成故曰成王或曰以成王為少成二



聖之功生號曰成王沒因爲謚衛賈以爲戒成康  
叔以慎酒成就人之道也故曰成此三者吾無取  
焉吾以爲後錄書者加之未敢專從故曰未聞也  
明大命于妹邦 妹邦卽牧養之地

自洗典致用酒 洗盡也

祗保越怨不易 易以  
鼓反

薄違農父 違行也

梓材 梓本亦作籽馬  
云古作梓字

治木器曰梓治土器曰陶冶

金器曰冶

戕敗人宥 戕殘也

既勤垣墉 卑曰垣高曰墉

惟其塗墍茨 墍墍色

既勤樸斲 樸未成器也

惟其塗丹雘 雘善丹也

皇天既付中國民

付馬本作附  
○並釋文

召王朝步自周則至于豐 周鎬京也豐文王廟所

在朝者舉事上朝將即土中易都夫事故告文王

武王廟

史記  
集解

洛誥我二人共貞 貞當也

厥攸灼敘 馬讀敘字屬下

頌朕不暇 頌猶也

汝乃是不獲 獲勉也

旁作穆穆迓衡 迓馬鄭王皆音魚據反

乃單文祖德 單丁但反 單信也

萬年厭于乃德 厭飫也

王在新邑 孔馬絕句

王入大室禘 大室廟中之夾室

誕保文武受命絕句 馬同

惟七年 周公攝政七年天下大平

多 旻天大降喪于殷 秋曰旻天秋殺氣也方言降

喪故稱旻天也

非我小國敢弋殷命弋馬本 作翼

嚮于時夏馬以時 字絕句

大淫泆有辭泆馬本 作屑 屑過也並釋 文

誕淫厥泆罔顧于天顯民祗 紂大淫樂其逸無所

能顧念于天施顯道于民而敬之也史記 集解

予惟四方罔攸賓 賓却也

無嚴恭寅畏 嚴馬作儼 〇並釋文

治民祇懼不敢荒寧 寧安也知民之勞苦不敢荒

廢自安也

時舊勞于外爰暨小人 武丁為天子時其父小乙

使行役有所勞役於外與小人從事知小人艱難

勞苦也

其在祖甲 武丁子帝甲也

不義惟王舊為小人 祖甲有兄祖庚而祖甲賢武

丁欲立之祖甲以王廢長立少不義逃亡民間故  
曰不義惟王久爲小人也武丁死祖庚立祖庚死

祖甲立

並史記  
集解

文王卑服

卑馬本  
作俾

俾使也

民無或胥譎張爲幻

譎馬本  
作輒

君 召公爲保周公爲師相成王爲左右 保氏師氏

皆大夫官左右分陝爲二伯東爲左西爲右

並釋  
文

召公不說 召公以周公既攝政致大平功配文武

不宜復列在臣位故不說以爲周公苟貪寵也

史  
記

集解

其終出于不祥

終馬本作崇

崇克也

我道惟寧王德延

我道馬本作我  
○並釋文

格于上帝 道至于上帝謂奉天時也

史記集解

有若南宮括

南宮馬本作南君

冒聞于上帝

冒馬作勗

勗勉也

我則鳴鳥不聞 鳴鳥謂鳳皇也

書 成王東伐淮夷遂踐奄作成王政

踐似淺反  
政馬作征

征

正也

並釋文

書序 成王既踐奄將遷其君于蒲姑 釋文蒲馬本作薄 薄姑

齊地 史記集解

多不克終日勸于帝之迪 迪馬本作攸 攸所也

不蠲烝 蠲明也烝升也

爾罔不克臬 臬馬本作剝

立其在受德譬 受德受所為德也

相我受民 相息亮反下勘相同

國則罔有立政用儉人 儉人儉利佞人也

其克詰爾戎兵 詰實也 並釋文



書序 成王既伐東夷肅慎來賀王俾榮伯作賄肅慎之

命肅慎馬本作息慎 息慎北夷也釋文榮伯周同姓畿內諸

侯為卿大夫也史記集解

顧命 成王將崩命召公畢公率諸侯相康王作顧命

成王將崩顧念康王命召公畢公率諸侯輔相之

王不懌馬本作不釋 不釋疾不解也

王乃洮頰水 洮洮髮也頰頰面也

昔君文王武王宣重光 重光日月星也大極上元

十一月朔旦冬至日月如疊璧五星如連珠故曰

重光

在後之侗

侗馬本作詞

詞共也

爾無以釗冒貢于非幾

冒貢馬鄭王作勗贛

贛陷也

王崩

馬本作成王崩

安民立政曰成

敷重篋席

篋織蔟

敷重底席

底青蒲也

敷重筍席

筍筓筓也

越玉五重

越王越地所獻玉也

夷玉天球

夷玉東夷之美玉球玉磬

並釋文

次輅在右塾之前 不陳戎輅者兵事非常故不陳

之正義

四人綦弁綦馬本作

騏青黑色

三咤馬本作

康王康王既尸天子馬本此句上更有成王崩三字

誕受羨若 羨道也並釋文

庶邦侯甸男衛釋文馬本從此以下為康王之誥又云與顧命差異正義曰馬鄭王本此

篇自高祖寡命已上內於顧命之篇王若曰已下始為康王之誥諸侯告王王報誥諸侯而使告報

異篇失其義也

底至齊信

馬讀底至齊絕句

刑度作刑以詰四方

度如字

度法度也

蚩尤惟始作亂

蚩尤少昊之末九黎君名

鴟義姦宄

鴟輕也

皇帝清問下民

清訊也

折民惟刑

折馬鄭王皆音哲

哲智也

天齊于民俾我

俾馬本作矜

齊中也矜哀也

王曰吁來

吁馬作于

于於也

何度非及度造謀也

惟貨惟來

來馬本作求

求有求請賅也

並釋文

其罪惟均

以此五過出入人罪與犯法者等

史記集解

其罰百鍰

鍰六兩也銚十一銖二十五分銖之十

三也賈逵說俗儒以銚重六兩周官劔重九銚俗

儒近是

其罰倍差

倍二百為四百差者又加四百之三分

之一凡五百三十二鍰三分鍰之一也

今天相民

相息浪反

相助也

文侯之命

平王錫晉文侯拒鬯圭瓚

馬本無平字錫作賜○並釋文

王若曰父義和 王順曰父能以義和我諸侯

昭升于上敷聞在下 昭明也上謂天下謂人

並史記集

解

費東郊不開 開馬本作關○釋文

汝則有大刑 大刑死刑

峙乃楨榦 楨榦皆梁具楨在前榦在兩旁

並史記集解

秦侂侂勇夫 侂侂馬本作訖訖

訖訖無所省錄之貌

惟截截善誦言 誦馬本作偏

截截辭語截削省要也偏

少也

如有一介臣

一介耿介一心端慤者

並釋文

序錄

漢志歐陽生尚書章句三十一卷尚書說義二篇

漢書儒林傳曰歐陽生字和伯千乘人也事伏生  
世世相傳至曾孫高爲博士高孫地餘長廋以太  
子中庶子授太子後爲博士論石渠餘少子政爲  
王莽講學大夫由是尚書世有歐陽氏學 又藝

文志曰劉向以中古文校歐陽大小夏侯三家經  
文酒誥脫簡一召誥脫簡二率簡二十五字者脫  
亦二十五字簡二十二字者脫亦二十二字文字



異者七百有餘脫字數十

後漢書曰孝明皇帝永平二年詔有司采周官禮

記尚書臯陶篇乘輿服從歐陽氏說公卿以下從

大小夏侯氏說

按今本范書無此文二說亦別無考

孔氏正義曰案伏生所傳三十四篇者謂之今文則夏侯勝夏侯建歐陽和伯等三家所傳及後漢末蔡邕所勒石經是也孔安國所傳者膠東庸生劉歆賈逵馬融等所傳是也

謨案隋志晉永嘉之亂歐陽大小夏侯尚書並亡

故不著錄又洪氏隸釋云永嘉之亂三家之書並  
亡故孔氏傳獨行以其書校之石本多十字少二  
十一字不同者五十五字借用者八字鴻艾勅猶  
之類是也通用者十一字於戲母女之類是也孔  
氏敘商三宗以年多少爲先後此碑獨闕祖甲計  
其字蓋在中宗之上以傳序爲次也但去高宗嚮  
國百年異耳然其軼猶時時見於他說今並鈔出  
書正義五條左傳疏一條周禮疏二條禮記疏二  
條史記注七條三國志注一條書鈔一條文選注

一條困學紀聞三條石經四條

今文尚書說

漢 千乘歐陽生撰

宜黃洪 誥校

以親九族 九族乃異姓有屬者父族四五屬之內  
爲一族父女昆弟適人者與其子爲一族已女昆  
弟適人者與其子爲一族已之女子子適人者與  
其子爲一族母族三母之父姓爲一族母之母姓  
爲一族母女昆弟適人者與其子爲一族妻族二  
妻之父姓爲一族妻之母姓爲一族

左傳疏引異  
義尚書歐陽

說

辨章百姓 史記索隱曰古文尚書作平此文蓋讀平為浦耕反平既訓便因作便章其今文作

辨章古平字亦作便音婢緣反便則訓辨遂為辨章鄰誕生本亦同也

欽若昊天 春曰昊天夏曰蒼天秋曰旻天冬曰上

天 周禮疏引異義尚書歐陽說

宅嵎鐵 孔氏正義曰鄭注古文尚書篇與夏侯等同而經字多異夏侯等書宅嵎夷為宅嵎鐵昧

谷曰柳谷心腹腎腸曰憂腎陽剗則剗剗云臍宮剗剗頭庶剗 史記索隱曰嵎夷今文尚書及帝

命驗並作禹鐵在遠西鐵古夷字也

柳谷 正義說見宅嵎鐵 困學紀聞曰周禮注引書分命和仲度西曰柳穀虞翻云鄭元所注尚書

古篆亦反以為昧古大篆亦字讀當為柳古柳亦同字而以為昧裴松之謂翻言為然

舜讓於德不怡

徐廣史記注曰今文尚書作不怡怡亦憚也古文作不

肆類于上帝 以類祭天者以事類祭之

王制疏引異義夏侯

歐陽

說

禋于六宗 所祭者六上不謂天下不謂地旁不謂

四方在六者之間助陰陽變化實一而名六宗矣

正義引異義歐陽及大小夏侯說曰周禮疏引異

義今歐陽夏侯說六宗者上不及天下不及地旁

不及四方居中央恍惚有神助陰陽變化有益於

人故郊祭之曰按漢書祭祀志安帝元初六年以

尚書歐陽家說以六宗者在天地四方之中為上

下四方之宗劉昭注引歐陽和伯夏侯建曰並同

書正

義

惟刑之謚哉

徐廣曰今文云惟刑之謚哉索隱曰按古文作恤哉今文是伏生口誦恤謚聲

近遂作謚也

民祖飢

徐廣曰今文尚書作祖飢祖始也索隱曰古文作阻飢孔氏以為阻難也祖阻聲相

近未知難得

政忽

史記索隱曰古文尚書作在治忽今文作采政忽先儒各隨字解之今此云來始消於義

無所遺蓋來采字相近消忽聲相亂始又與治相似因誤為來始消今依今文音采政忽三字劉伯

莊云聽諸侯能為政及怠忽者是也

辛壬癸甲

辛壬娶塗山癸甲生啓

史記索隱曰按尚書云娶于塗

山辛壬癸甲啓呱呱而泣予弟子今此云辛壬娶塗山癸甲生啓蓋今文尚書脫陋太史公取以為

言亦不稽其本意豈有辛壬娶妻經二日生子不經之甚

榮播既都

史記索隱曰古文尚書作榮波此及今文並云榮播榮是澤名播是水播溢之義

弼成五服至于五千 中國方五千里

王肅疏引吳義歐陽夏侯

說

女毋翁侮成人

孔作汝無侮老成人

興降不永

孔作崇降弗祥

肆高宗之饗國百年

孔作享國五十九年

毋劬于遊田

孔作無淫于觀于逸于遊于田○並石經尚書殘碑○案洪氏義釋

尚書殘碑盤庚百七十二字高宗彤日篇十五字後書篇二十四字洪範篇百八字多士篇五字立



政篇五十六字顧命篇十七字並詳後石經本卷  
句字斷缺不可讀惟此四句係全文故錄於此

憂腎陽說見上

優賢揚歷魏志管寧傳載陶正乙等薦管寧表優賢揚歷垂聲千載裴松之注引今文尚書曰

優賢揚歷胡揚其所歷試又魏都賦優賢著於揚歷劉淵林注引尚書盤庚曰優賢揚歷歷試也

螭猛獸也文選西都賦注引歐陽尚書說○案史記周本紀如豺如離徐廣曰此訓與螭同知

今文尚書本作螭此訓當屬牧誓篇又說文商字下引歐陽喬說商猛獸也商即螭字喬當作高

曰圍國學紀聞曰周禮太卜注引洪範曰雨曰濟曰圍曰益曰尅詩齊子豈弟箋古文尚書以弟為

圍正義洪範稽疑論卜兆有五曰圍注云圍者色澤光明蓋古文作梯今文作圍賈逵以今文校之

定以  
為圍

王曰封惟曰若圭璧

困學紀聞曰劉向以中古文校

脫簡一而大傳引酒誥曰王曰封惟

曰若圭璧今無此句豈卽脫簡與

茲惟三公 天子三公一日司徒二日司馬三日司

空九卿二十七大夫八十一元士凡百二十在天

為山川

書鈔引異義今尚書夏侯歐陽說

臏宮劓割頭庶剝

說見上宅鳩鑿

假我一日

困學紀聞倂我一日楊賜作假我一日原注以通桓君章句卽歐陽尚書

肝木也心火也脾土也肺金也腎水也

月令疏引異義今文尚書

歐陽說○按此條於今文尚書未詳何篇故列於此

序錄

隋志顧彪古文尚書疏二十卷

北史本傳曰顧彪字仲文餘杭人明尚書春秋煬  
帝時爲秘書學士撰古文尚書義疏二十卷行於  
世

孔氏正義曰古文近至隋初始流河朔其爲正義  
者蔡大寶巢猗費彪顧彪劉焯劉炫

謨案陸氏經典敘錄於尚書注解傳述人後但載  
梁國子助教江夏費彪作有義疏行於世不及顧

彪孔氏正義則但引顧說而不及費今從正義鈔  
出四十六條

古文尚書疏

梁 吳郡顧彪撰

宜黃鄒 洙校

古者包犧氏之王天下也疏包讀為庖取其犧牲以

供庖廚帝王世紀云包犧母曰華胥有巨人跡出

於雷澤華胥以足履之有娠生包犧於成紀蛇身

人首 此下三條並  
孔安國序疏

包犧神農黃帝之書謂之三墳言大道也少昊顓頊

高辛唐虞之書謂之五典言常道也疏帝王世紀云

神農母曰女登有神龍首感女登而生炎帝人身

牛首黃帝母曰附寶見大電光繞北斗樞星附寶  
感而懷孕二十四月而生黃帝曰角龍顏少昊金  
天氏母曰女節有星如虹下流意感而生少昊顓  
頊母曰景僕昌意正妃謂之女樞有星貫月如虹  
感女樞於幽房之宮而生顓頊堯母曰慶都觀河  
遇赤龍睞然陰風感而有孕十四月而生堯舜母  
曰握登見大虹感而生舜此言謂之三墳謂之五  
典者因左傳有三墳五典之文故指而謂之  
更以竹簡寫之疏策長二尺四寸簡長一尺二寸

典堯

欽明文思絜隨便而言無義例也

正義云知者此先聽後明舜典

云明國日達四聰先明後聽故知無例也今考舜典云睿哲文明又先文後明與此不例知顧氏為

稷益

日月星辰山龍華蟲傳日月星為三辰華象草華

蟲雉也畫三辰山龍華蟲於衣服旌旗疏日月星

取其照臨山取能興雲雨龍取變化無方華取文

章雉取耿介

藻火粉米黼黻傳藻水草有文者火為火字粉若粟

冰米若聚米黼若斧形黻為兩已相背疏藻取有

文火取炎上粉取潔白米取能養黼取能斷黻取  
善惡相背

禹貢

厥賦惟上上錯傳賦謂土地所生以共天子上上  
第一錯雜雜出第二之賦疏上上之下卽次上中  
故云雜出第二之賦也孟子稱稅什一爲正輕之  
於堯舜爲大貉小貉重之於堯舜爲大桀小桀則  
此時亦什一稅俱十一而得爲九等差者人功有  
強弱收穫有多少傳以荊州田第八賦第三爲人  
功修也雍州田第一賦第六爲人功少也是據人



功多少總計以定差此州以上上爲正而雜爲次  
等言出上上時多而上中時少也多者爲正少者  
爲雜故云第一此州言上上錯者少在正下故先  
言上上而後言錯豫州言錯上中者少在正上故  
先言錯而後言上中揚州云下上上錯不言錯下  
上者以本設九等分三品爲之上中下下上本是  
異品故變文言下上上錯也梁州云下中三錯者  
梁州之賦凡有三等其出下中時多故以下中爲  
正上有下上下下有下下三等雜出故言三錯足明

雜有下上下下可知也此九等所較無多諸州相  
準爲等級耳

夾右碣石傳碣石海畔山禹夾行此山之右疏山西  
曰右

導弱水至于合黎傳合黎水名在流沙東疏地記書  
合黎山名但此水出合黎因山爲名

五子之歌怨豈在明不見是圖傳不見是謀備其微怨  
豈在明未必皆在明著之時必於未形之日思善  
道以自防衛之是備慎其微也

關石和鈞傳金鐵曰石供民器用通之使和平則官  
民足疏通金鐵於人官不禁障民得取之以供器  
用器既具所以上下充足以金鐵皆從石而生則  
金鐵亦石之類也

盾征其或不恭邦有常刑傳言百官廢職服大刑疏百

官衆臣其有廢職懈怠不恭謹者國家當有常刑  
乃季秋月朔辰弗集于房瞽奏鼓齊夫馳庶人走疏  
春秋昭十七年夏六月甲戌朔日有食之左傳云  
季平子曰惟正月朔慝未作日有食之于是乎有

伐鼓用幣禮也其餘則否大史曰在此月也當夏四月是謂孟夏如彼傳文惟夏四月有伐鼓用幣禮餘月則不然此以九月日食亦奏鼓用幣者夏禮異于周禮也

湯

茲朕未知獲戾于上下傳此伐桀之事未知得罪于天地謙以求衆心疏未知得罪于天地言伐桀之事未知得罪于天地以否湯之伐桀上應天心下符人事本實無罪而去未知得罪以否者謙以求衆心

伊訓序成湯既沒大甲元年伊尹作伊訓傳大甲大丁

子湯孫也大丁未立而卒及湯沒而大甲立稱元

年疏殷家猶質踰月卽改元年以明世異不待正

月以爲首也商謂年爲祀序稱年者序以周世言

之故也

正義又引顧氏云止可依經  
語大典不可用傳記小說

具訓于蒙士傳蒙士例謂下士疏蒙謂蒙闇之士例

字宜從下讀言此等流例謂下士也

大甲伊尹以冕服奉嗣王歸于亳傳冕冠也踰月卽

吉服疏祥禫之制前儒不同案士虞禮云替而小

祥又替而大祥中月而禫王肅云祥月之內又禫  
祭服彌寬而變彌數也禮記檀弓云祥而縞是月  
禫徙月樂王肅云是祥之月而禫禫之明月可以  
樂矣案此孔傳云二十六月服闋則與王肅同鄭  
玄以中月爲間一月云祥後復更有一月而禫則  
三年之喪凡二十七月與孔爲異

威有德一臣爲上爲德爲下爲民傳言臣奉上布德順下

訓民正義云奉上謂奉爲在上解經爲上也布德  
謂布爲道德解經爲德也順下謂卑順以爲  
臣下解經爲下也訓民謂以善道訓  
助下民解經爲民也顧氏亦同此解

中盤庚

今其有今罔後汝何生在上傳言不徒無後計  
汝何得久生在人上禍將及汝疏責羣臣汝今日  
其且有今目前之小利無後日久長之計患禍將  
至汝何得久生在民上也

上秦誓

陂池侈服傳侈謂服飾過制疏華侈服飾

下秦誓

百姓懍懍若崩厥角傳言民畏紂之虐危懼不  
安若崩摧其角無所容頭疏常如人之欲崩其角  
也言容頭無地隱三年穀梁傳曰高曰崩頭角之  
稱崩體之高也

洪範敬用五事

正義云敬用農用等一十八字大劉及顧氏以為龜背先有總三十八字小劉

以為敬用等亦禹所第敘其龜文惟有二十字並無明據未知孰是

嚮用五福威用六極傳言天所以嚮勸人用五福所

以威沮人用六極此已上禹所第敘疏前八事俱

得五福歸之前八事俱失六極臻之故福極處末

也

一曰水二曰火三曰木四曰金五曰土傳皆其生數

疏水火木金得土數而成故水成數六火成數七

木成數八金成數九土成數十



無虐癸獨而畏高明

正義云此經皆是據天子無陵虐癸獨而畏避高明寵貴者顧

氏亦以此經據人君

庶民惟星星有好風星有好雨傳星民象故眾民惟

若星箕星好風畢星好雨亦民所好正義云鄭以為箕星好風

者箕東方木宿風中央土氣木克土為妻從妻所

好故好風也畢星好雨者畢西方金宿雨東方木

氣金克木為妻從妻所好故好雨也推此則南宮

好賜北宮好壤中宮四季好寒以各尚妻之所好

故也未知孔意同否

顧氏所解亦同於鄭

大誥肆予曷敢不越邛救寧王大命正義云顧氏以上不邛自恤傳云不

惟自憂遂皆以邛為惟

康又曰要囚疏又曰者周公重言之也

爽惟天其罰殛我我其不怨傳明惟天其以民不安  
罰誅我我其不怨天疏明惟天者言天明察在上  
見民不安乃以刑罰誅戮於我

酒惟元祀疏元大也

其藝黍稷奔走事厥考厥長傳其當勤種黍稷奔走  
事其父兄疏勤種黍稷奔馳趨走也

牽車牛遠服賈用孝養厥父母傳農功既畢始牽  
車牛載其所有求易所無遠行賈賣用其所得珍

異孝養其父母疏當農功則有所廢故知既畢乃  
行故云始牽車牛卽牽府大車載有易無遠求盈  
利所得珍異而本不損故可孝養其父母亦愛土  
物之義也

召誥

節性惟日其邁和比殷周之臣時節其性令不  
失中則道化惟日其行疏和協殷周新舊之臣制  
其性命勿使怠慢也聖王爲政當使易從而難犯  
故令行如流水民從如順風若使設難從之教爲  
易犯之令難迨以嚴刑而終不用命故爲其德不

可不敬也王必敬爲此不可不敬之德則下民無不敬奉其命矣民奉其王命是化行也

洛 誥 虢 虢 召 公 既 相 宅 周 公 往 營 成 周 使 來 告 卜 僖 召 公

先相宅卜之周公自後至經營作之遺使以所卜吉兆逆告成王疏周公既至洛邑乃遣以所卜吉兆來告於王是也

我卜河朔黎水僖我使人卜河北黎水上不吉疏先卜河北黎水者近于紂都爲其懷土重遷故先卜近以悅之

王肇稱殷禮祀于新邑咸秩無文傳言王當始舉殷家祭祀以禮典祀于新邑皆次秩不在禮文者而祀之疏舉行殷家舊祭祀用周之常法言周禮卽殷家之舊禮也

考朕昭子刑乃單文祖德倅來茲殷乃命寧傳我所成明子法乃盡文祖之德謂典禮也所以君土中是文武使我來慎教殷民乃見命而安之疏文武使我來慎教殷民我今受文武之命以安民也

君爽予惟用閔于天越民傳我惟用勉於天道加於民

〔疏〕我亦自用勉勸躬行於天道加益於民人也

多爾曷不夾介乂我周王享天之命德來近也汝何

不近大見治於我周王以享天之命而爲不安乎

〔疏〕汝衆方諸侯何不常和協相親近大見治道

於我周王以享上天之命而今何以不自安乎

今爾尚宅爾宅畋爾田爾曷不惠王熙天之命德今

汝殷之諸侯皆尚得居汝常居臣民皆尚得畋汝

故田汝何不順從王政廣天之命而自懷疑〔疏〕

主遷於上臣易於下計汝諸侯之國應隨殷而遷

今汝殷之諸侯皆尚得居汝堂居臣民畋汝故田  
田宅不易安樂如此汝何不順從我周王之政以  
廣上天之命使天多佑汝何故畏我周家自懷疑  
乎

越惟有胥伯小大多正得於惟有相長事小大衆正  
官之人疏相長事卽小大衆正官之人也

又曰時惟爾初疏又曰者是王又復言曰也

政立我其克灼知厥若丕乃俾亂傳我其能灼然知其  
順者則大乃使治之言知臣下之勤勞然後莫不

盡其力疏君能知臣下順於事則臣感君恩大乃  
治理各盡心力也

自一話一言我則末惟成德之彥以乂我受民<sub>傳</sub>言  
政當用一善善在一言而已欲其口無擇言如此  
我則終惟有成德之美以治我所受之民<sub>疏</sub>人君  
爲政之道當須用一善而已爲善之法惟在一言  
也末訓爲終彥訓爲美王能出言皆善口無可擇  
如此我王則終惟有成德之美以治我所受天民  
矣釋訓云美士爲彥故彥爲美



命顧伯相命士須材傳召公命士致材木須待以供喪  
用疏命士供葬槨之材

先輅在左塾之前次輅在右塾之前傳先輅象次輅  
木金玉象皆以飾車木則無飾皆在路寢門內左  
右塾前北面凡所陳列皆象成王生時華國之事  
所以重顧命疏先輅在左塾之前在寢門內之西  
北面對玉輅次輅在右塾之前在寢門內之東對  
金輅也凡所陳列自狄設黼屨已下至此皆象成  
王生時華國之事所以重顧命也